

	SYLLABUSI I PROGRAMIT TË TRAJNIMIT		F-042
	Prishtinë	v. 2.0	Faqe 1 nga 3

Kodi: 036

EDUKIMI PËR DREJTËSI SHOQËRORE

(Aktivitete për të rritur dhe fëmijë)

Tipi i programit: Plotësues

Hyrje

Programi i trajnimit “Edukimi për drejtësi shoqërore” është zhvilluar për të mbështetur zhvillimin profesional të mësimeve dhe profesionistëve të tjerë që punojnë me fëmijë, të rinj dhe komunitete të ndryshme, me synim forcimin e njohurive dhe kompetencave për promovimin e barazisë, përfshirjes dhe të drejtave të njeriut. Programi ofron një qasje të bazuar në drejtësinë shoqërore, duke trajtuar mekanizmat e diskriminimit, pabarazisë dhe përjashtimit social, si dhe rolin e edukimit në krijimin e një shoqërie më gjithëpërfshirëse.

Fillimisht, programi është konceptuar për profesionistët që punojnë me grupe të marginalizuara, duke synuar zhvillimin e aleatëve të aftë për të mbështetur pjesëmarrjen, fuqizimin dhe mbrojtjen e të drejtave të këtyre grupeve. Programi është hartuar nga ISSA (International Step by Step Association) në bashkëpunim me ekspertë të fushës së të drejtave të njeriut dhe edukimit për drejtësi shoqërore. Të drejtat për ofrimin dhe zbatimin e programit janë transferuar te KEC, që zbaton atë në kuadër të programeve të saj të zhvillimit profesional.

Qëllimet e programit:

Programi i trajnimit “Edukimi për drejtësi shoqërore” ka për qëllim zhvillimin e vetëdijes kritike dhe kompetencave profesionale për njohjen, vlerësimin dhe promovimin e diversitetit kulturor, gjuhësor dhe etnik si vlerë themelore njerëzore. Programi fokusohet në ndërtimin e qëndrimeve gjithëpërfshirëse, në dekonstruktimin e paragjykimëve dhe stereotipeve, si dhe në forcimin e tolerancës dhe zhvillimit të dialogut ndërkulturor. Përmes një qasjeje të integruar teorike dhe praktike, pjesëmarrësit aftësohen të kontribuojnë në krijimin e mjediseve demokratike, të drejta dhe të barabarta, duke nxitur respektimin e të drejtave të njeriut dhe barazinë në nivel individual, shoqëror dhe institucional.

Me përvetësimin e këtij programi pritet që pjesëmarrësit të:

- Thellojnë njohuritë, të kuptuarit dhe ndjeshmërinë për mekanizmat që përjetësojnë dhe mbajnë sistemet e dominimit,
- Ndërtojnë përkushtimin ndaj procesit të ndërtimit të kapacitetit për transformim personal, profesional dhe institucional,

	SYLLABUSI I PROGRAMIT TË TRAJNIMIT		F-042
	Prishtinë	v. 2.0	Faqe 2 nga 3

- Përforcojnë vetë-konceptin e fëmijëve dhe identitetet grupore duke pranuar, respektuar dhe afirmuar të gjitha kulturat dhe përvojat e fëmijëve,
- Përforcojnë marrëdhëniet e shkollës me familjet dhe komunitetet duke i inkuadruar në materialin mësimor, si bazë për mësimin e njohurive dhe shkathtësive të reja, që vijnë drejtpërdrejtë nga familjet dhe komunitetet,
- Nxisin fëmijët të hulumtojnë dhe kërkojnë zgjidhje për padrejtësitë shoqërore të cilat ata mund t'i hasin.
- Mësojnë si të nxisin të menduarit kritik të fëmijët, rreth keqinterpretimeve, stereotipeve dhe paragjytimeve.
- Jenë me të hapur për të përfshirë grupet e ndryshme etnike dhe gjejnë forma dhe sugjerime për lehtësimin e këtij procesi.

Përmbajtja

Programi Edukimi për Drejtësi Shoqërore është një program trajnimi i cili ka për qëllim krijimin e vetëdijes kritike për të njohur diversitetin kulturor, gjuhësor dhe etnik, si vlerë njerëzore. Pranimi i të tjerëve pa paragjytime, të qenit tolerant dhe i hapur, janë sjellje thelbësore të çdo qytetari, si dhe kusht për krijimin e një shoqërie demokratike. Një qasje e tillë i mundëson çdo qytetari të drejtën për të qenë i pranuar dhe i trajtuar në mënyrë të drejtë dhe të barabartë, në aspektin individual, shoqëror dhe institucional.

Shkathtësitë e mësuara në trajnim ndërtohen mbi Standardet Pedagogjike të ISSA për: individualizimin për të vlerësuar diversitetin në mesin e nxënësve dhe familjeve; pjesëmarrjen e familjes; krijimin e ambienteve mësimore gjithëpërfshirëse; hartimin dhe zbatimin e strategjive të ndryshme mësimore që promovojnë bashkëpunimin; hulumtimin dhe zgjidhjen e problemeve si dhe planifikimin dhe vlerësimin e mësimnxënies.

Programi Edukimi për Drejtësi Shoqërore do të zgjerojë dhe thellojë njohuritë në këto fusha, duke i prezantuar strategjitë për:

- zhvillimin e aftësive për të menduar në mënyrë kritike për ta kuptuar realitetin në formë të drejtë dhe angazhimin që duhet bërë për luftimin e padrejtësive,
- njohjen e niveleve të ndryshme të përgjegjësisë në përjetimin e dominimit sistematik,
- mbështetjen në transformimin e ambientit personal, profesional dhe institucional,
- zhvillimin e marrëdhënieve me familjet dhe komunitetet që tradicionalisht janë të marginalizuara në sistemin shkollor
- përfshirjen e zërit të fëmijëve dhe familjeve në hartimin e programeve
- promovimin e kapacitetit të nxënësve për bashkëpunim, negociata dhe mendim kritik duke u siguruar nxënësve mundësi për të përfituar përvojë përmes një llojllojshmërie perspektivash dhe duke modeluar respekt për këndvështrime të ndryshme
- zhvillimin e njësive dhe aktiviteteve të integruara që i adresojnë apo inkorporojnë çështjet e drejtësisë shoqërore duke përdorur tema që janë pjesë e kurrikulave kombëtare,

	SYLLABUSI I PROGRAMIT TË TRAJNIMIT		F-042
	Prishtinë	v. 2.0	Faqe 3 nga 3

tregime të zakonshme të fëmijëve dhe tema të cilat i iniciojnë fëmijët nga interesat dhe përvojat e tyre (për shembull, drejtësia, përfshirja, bashkëpunimi, si të zgjidhet konflikti dhe ndërprerja e stereotipeve negative); nxënësit gjithashtu fitojnë shkathtësi akademike të përshtatshme për moshën e tyre

Grupi i synuar

Ky program u dedikohet punëtorëve të arsimit dhe të gjithë atyre që dëshirojnë t'i thellojnë njohuritë dhe aftësitë e tyre për marrëdhëniet njerëzore, si dhe t'i njoftojnë fëmijët me dallimet shoqërore.

Forma e organizimit/kohëzgjatja

Programi zhvillohet në formë të trajnimit katërditor dhe përfshin demonstrimin praktik të aktiviteteve në klasë, me gjithsej 32 orë.

Certifikimi

Kusht për certifikim është vijueshmëria e së paku 90% të trajnimit.